



UNIVERSITÄTS-
BIBLIOTHEK
PADERBORN

**Vitæ Sanctorum Sacris per singulos anni dies
Meditationibvs illustratæ**

Paderbornæ, 1697

SS. Maryres Antiochiae. 11. Martii.

[urn:nbn:de:hbz:466:1-62968](#)

(80) 187. (80)

SS. MARTYRES ANTIOCHIAE.

II. Martii.

*Si quis te percusserit in dexteram
maxillam tuam, prebe illi & alterā.*

Christus. Matth. cap. 3:

ANNO partæ salutis CCCVI. eò furor
Imp. Maximini barbarus Antiochiæ
pervasit, ut neque famem crudelem extensi
per craticulas Christiani, lentoque igne assa-
ti exsaturare, neque sitim cruentam flumi-
na jam sanguinis possent sedare. Tantùm
verò abfuit, ut ad hæc exhorresceret Chri-
stiana Philosophia, ut spontè sua (Numine
utique invitante) ad mortem per præcipi-
tia, & undas ruerent, promptiores ad exci-
piendam mortem, quam ad inferendam
tyrannus. Inter hos jure suo laudem hodie
fert Matrona (Pelagiam Ambrosius dicit)
cum filiabus geminis. Hæ Antiochiam du-
cendæ pulcherrimè se exornârant, iterq; fœ-
minæ pede ac animo virili sunt ingestæ. Ex
itinere Mater non quidem Vitæ, sed tamen
pudori Virginum timere cœpit, non ignara,
quoties hic ludibrio tyranais fuisset. Et
jam

jam è geminis tyrannis plus puer Amor
Maximino terrebat; cum Numen animos
addidit, ut è ripâ in subjectum flumen ge-
neroso saltu se abjicerent; Venerem in Re-
gno suo expugnaturæ. Diu, veluti lusita-
bundæ choreas ducerent, secundo flumine
descenderunt, tandem haustas inter preces
vortex placidè recepit: imò ut favere Nym-
phis nostris scires, vestibus suis quām de-
centissimè tectas ad litus exposuerunt, cùm
litus æternū meliusq; dudū animæ tenerent.

Ex Ambros. & Euseb. Chron.

M E D I T A T I O

De triplici gradu patientiæ.

1. PRimum patientiæ gradum tenes, si congruè
divinæ voluntati animo patiaris, quidquid ti-
bi acciderit mali à Deo, ab hominibus, à te ipso.
Itane pateris? S. Job acerbissimam rerum vicissi-
tudinem tulit, hæc sola repetens verba: *Dominus
dedit, Dominus abstulit. Sit nomen Domini Benedictum.*
Meditare auream hanc sententiam, & in afflictio-
nibus tuis eam usurpa: ne te dedas lamentis, solli-
citudinibus, murmurationibus: sed constanti pati-
entiæ fatiga, & vince inimicorum tuorum maligni-
tatem. *Fatigetur improbitæ patientiæ tua.* Tertull.

2. Secundum gradum adeptus est, qui sitit labo-
res, & nullam prætermittit patiendi occasionem.

Sic

Sic alteram alapam , & martyrium ipsum hi sancti Martyres , sic tolerantiam tot pœnitentes expetiverunt. Num verum est , hoc unum te laborare , ut nihil labores ? Cælum tamen cogitas : cave , tibi ipsi blandiris. Viâ duxtaxat S. Crucis itur ad patriam ; si enim alia fuisse brevior , ac mitior , eam utique docuisset Christus .

3. Tertium deniq; attigit patientiæ gradum , qui latus & alacer labores patitur. In afflictionibus , ac persecutionibus lætabantur Apostoli , & ibant gaudentes , cum digni habiti fuerant pro Christo aliquam contumeliam pati. Gaudete (inquit ipse Christus) si vos oderit mundus , quia me prius odio habuit. Acceptius & gratius Deo nihil est hilari Christianorum patientiâ. *Pulchrum spectaculum Deo , cum Christianus cum dolore congreditur.* Minut.

S. GREGORIUS MAGN:

12. Martii.

Qui autem fecerit , & docuerit , hic magnus vocabitur in Regno cælorū.

Christus. Matth. cap. 5.

Ultrò mendicabulis jacuæ paterent , si latitantem in iis CHRISTVM vel Angelum cerneremus , Tales hospites GREGORIUS habuit , & ob eam pietatem summum Pontificatum tulit. Ad hunc electus inter

M

primas